

**Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalakkersuisunut kaammattuutigaa inuusuttunut 14-iniit 17-inut ukiulinnut Kalaallit Nunaanni, Savalimmiuni Islandimilu nunat avannarliit killiit efterskoliinik pissusissamisoornerpaamik qanoq pilersitsisoqarsinnaanera allaaseralugu nassuiaasioqqullugit 2018-imi Nunat Avannarliit Killiit Siunnersuisoqatigiiffiannut saqqummiunneqartussamik..**

(Aallartitat siulittaasuat Lars Emil Johansen)

### **Akissuteqaat**

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

### **Siullermeerneqarnera**

Naalakkersuisut Inatsisartut siulittaasuat qutsavigaat Nunat Avannarliit Killiit Siunnersuisoqatigiiffiat sinnerlugu Nunani Avannarlerni Killerni Naalakkersuisut pingasuusut kaammattormagit qanoq ililluni nunagisatsinni Nunat Avannarliit Killiit efterskoliinik pilersitsisoqarsinnaanera pillugu nassuiaasioortoqassasoq.

Efterskolit atuartitsinermik aaqqiisimanerat innuttaasut nalinginnaasumik ilinniarsimassusaannik qaffassaaniarnitsinni atorluarsinnaallutillu sunniuteqarluartartut paasinarsisimavoq minnerunngitsumik inuusuttunut inuusuttut ilinniarfiinut inuussutissarsiutitigullu ilinniarfinnut alloriarfiusarmata.

Naalakkersuisut pissanganartippaat nunavut suleqatigiillutik efterskolimik ataatsimik arlariinnilluunniit inuusuttatta pikkorissaqatigiillutik naapeqatigiiffiginnaasaannik pilersitsisoqarsinnaasuuppat tassuunatigullu inooriaatsitsinnik, kulturitsinnik ileqqutsinnillu assigiinngiaartunik paarlaateqatigiissinnaalerlutik.

Naalakkersuisut kaammattuut tusaatissatut tiguaat taamatullu naatsumik oqaaseqarlutik siunnersuut akuersissutigineqassasoq innersuussutigalugu.